

SAPA P'UNCHAY PURIYNINCHEJ

SANTA BIBLIA
WILLAWASKANCHEJMANJINA

*Cayllata niyquichej, Cristoj sumaj
noticiasninman jina allinta puriychej*

Filipenses I : 27



SGM Internacional

3 Eccleston Street Londres SW1W 9LZ Inglaterra

Impreso en Gran Bretaña

CAY LIBRITOTA LEEJMAN

Cay libritopi tian palabras Santa Bibliamanta orkoskas, chaylla. Chaymin Diospa yuyaychaskan Palabran.

CAY IMAS TIAN CAY LIBRITOPÍ

PRIMER YACHACHIYKA: Pitaj cawsayta munan?

PÁGINA

FAMILIAPI PURIYNINCHEJ

- | | |
|---|----|
| 1 Sapa p'unchay familiapi
adorananchej | 8 |
| 2 Casaracuyka | 9 |
| 3 Llimphu-cayka | 12 |
| 4 Tataswan wawaswan | 14 |

SAPA UJNINCHEJPA PURIYNINCHEJ

- | | |
|---------------------------|----|
| 1 Miqhuyka ujjayka | 16 |
| 2 P'achallichicuyka | 18 |
| 3 Llimphuta puriyka | 19 |
| 4 Parlanacuyka | 20 |
| 5 Phutiycuna onkojcunawan | 22 |

UJCUNAWAN PURIYNINCHEJ

- | | |
|---|----|
| 1 Mandajcuna | 25 |
| 2 Trabajo | 26 |
| 3 Patroneswan trabajajcunawan | 28 |
| 4 Kolkewan capuyninchejwan | 29 |
| 5 Manuswan manuriywan | 32 |
| 6 Pleitos | 33 |
| 7 Enemigos | 34 |
| 8 Ujcunaman koyka, viajajcunata
wajyayka | 36 |
| 9 Justo-cayraycu perseguisca-cayka | 37 |

DIOSPAJWAN PURIYNINCHEJ

- | | |
|---|----|
| 1 Cheka adoración | 40 |
| 2 Iglesiaka | 40 |
| 3 Señorpa p'unchaynin | 43 |
| 4 Llulla adoraciónka. Lanticunata
adorayka | 44 |
| 5 Laykaswan adivinoswantaj | 46 |

ULTIMO YACHACHIYKA

- | | |
|--------------------------------|----|
| Wañuy atipaska wiñay cawsaywan | 47 |
|--------------------------------|----|



PRIMER YACHACHIYKA
PITAJ CAWSAYTA MUNAN?

Salmo 34 : 12

DIOS CHAY JINATAPUNI mundota munacorka, c'ata Churinta korka, pillapis paypi creejka ama wiñaypaj pierdecunanpaj antes wiñay cawsayniyoj cananpaj. Churipi creejka wiñay cawsayniyojmin. Pero Churipi mana creejri cawsayta mana riconkachu, antes Diospa c'ajaj phiñacuynin paypa patanpi cashan. Caytaj wiñay cawsayka, kanta rejsinancu, c'ata cheka Diosta, Jesu Cristotawan, pitachus cachamorkanqui. (Juan 3 : 16, 36. Juan 17 : 3.)

* * *

Dioska munacuyninta ñokanchejpaj aswan sut'ita ricuchin, imaraycuchus juchasapasllaraj cashajtinchey, Cristo ñokanchejraycu wañorka. Ajinaka, imaynatachus uj jucharayculla tucuy runacuna juicioman juchachaskas carkancu, ajinallataj ujpa justo caskanraycu tucuy runacuna justopaj rejsiskas carkancu cawsanancupaj. (Romanos 5 : 8, 18.)

Cristoj munacuynin atipawaycu. Cierito caycu, sichus ujka tucuyraycu wañorka chayka, chaypachaka tucuymin wañorkancu. Tucuyraycutaj wañorka cawsajcunaka amaña paycuna quiquincupaj cawsanancupaj, antes cawsanancupaj paycunaraycu wañorka cawsarimporkataj chaypaj. (2 Corintios 5 : 14, 15.)

* * *

Cristowan chacataska carkani, cawsanitaj. Manañataj ñokachu cawsani, antes Cristomin ñokapi cawsan. Cuerpopi cunan cawsaskay, Diospa Churinpi creespa cawsashani. Pay munacuwarka, ñokaraycutaj pay quiquinta entregacorka. (Gálatas 2 : 20.)

Diospa atiy nin tucuy imasta kowaskanchejman jina cawsananchejpaj Diosta manchachicunanchejpaj, glorianraycu atiy ninraycutaj wajyawarkanchej payta rejsiskanchejraycu. Chaycunaraycu reciberkanchej valorniyoj may jatuchej imasta koskayquichej niwaskanchejta, chaycunawan Diospa caskan chaymanta parteyoj canayquichejpaj, munapayayraycu mundopi cashan chay pierdecuymanta aykenayquichejpaj. Kancunapis, cay quiquinpaj tucuy sonko caspa, creeskayquichejpi atiyta ricuchiychej. Atiy pitaj yachayta ricuchiychej. Yachay pitaj sujetacuyta, sujetacuy pitaj pacienciata, pacienciapitaj Diosta manchachicuyta ricuchiychej. Diosta manchachicuypitaj hermanos uqhu munanacuyta ricuchiychej. Imaraycuchus sichus cay imas kancunapi cashancuman chayka, yapacuncutaj, mana sakesunquichejmanchu khella canayquichejta nitaj mana pokoy niyojta Señor Jesu Cristota rejsiskayquichejpi. (2 Pedro 1 : 3-8.)

* * *

Pero maypachachus Dios Salvadorninchejpa c'acha caskan, runaspajwan munacuynintaj riqhurimorka, chaypacha, pay salvawarkanchej, mana justo ruwaskaninchejraycuchu, antes qhuyawaskanchejman jinata. Mosojmanta nacecuy mayllanaraycu salvawarkanchej, Santo Espirituj mosojyachiskanraycutaj. Chayta ñokanchejman ashqhatapuni jich'awarkanchej, Jesu Cristo Salvadorninchejraycu. Favorninraycu justospaj rejsiskas carkanchej herenciata jap'ejcuna ruwaskas cananchejpaj, winay cawsayta suyaskanchejman jina. (Tito 3 : 4-7.)

Diospa favorninraycu salvaskas canquichej, creespalla. Chaytaj mana kancuna quiquiyquichejmantachu. Antes Diospa regalonmin. Mana ruwanasraycuchu ama pipis alabacunanjaj. Imaraycuchus paypa ruwaskanmin canchej. Cristo Jesuspi ruwaskas,

allin imasta ruwananchejpaj. Chaycunata Dios ñawpamantaña waquicherka chaycunapi purinanchejpaj. (Efesios 2 : 8-10.)

Juchaj pagonka wanuymin. Diospa regalonri wiñay cawsaymin Cristo Jesús Señorninchejpi. (Romanos 6 : 23.)

FAMILIAPI PURIYNINCHEJ

*Sichus Jehová mana wasita wasichankachu chayka,
khasi mana cajta llanc'ancu wasichajcunaka.*

Salmo 127 : 1

I. SAPA P'UNCHAY FAMILIAPI ADORANANCHEJ

Sapa p'unchay Bibliata leeyka

Masc'ay Jehovapa libronpi, leeytaj. (Isaiás 34 : 16.)

Lamparamin chaquisniyman palabrayqueka, c'an-
chaytaj ñanniymanka. (Salmo 119 : 105.)

★ ★ ★

(Bereapi tiacujcuna) Palabrata tucuy sonko recibir-
kancu. Sapa p'unchay Escrituraspi allinta khawar-
kancu, ajinachus manachus cay imas caskancuta
chayta yachanancupaj. (Hechos 17 : 11.)

Santa Escrituras ... salvacionpaj yachayniyojta
ruwayta atisuncu Cristo Jesuspi creeskayquiraycu.
Tucuy Escrituraka Diospa yuyaychaskanmin. Sumaj-
taj cancu yachachinapaj, reparachinapaj, c'aminapaj,
justo-caymanta entiendechinapajpis, Diospa runan
cabal cananpaj, tucuy allin ruwanapaj waquichiskataj.
(2 Timoteo 3 : 15-17.)

Khawallaytaj: Josué 1 : 8. Salmo 119 : 9-18, 130, 160.
Colosenses 3 : 16.

Sapa p'unchay Dioswan parlayka

Alabaskayqui Diosníy, Reyníy.

Sapa p'unchay bendeciskayqui,

Sutiyquitataj alabasaj wiñaypaj wiñaynintinpaj.

(Salmo 145 : 1, 2.)

O Jehová, tutamanta vozniyta uyarinqui.
Tutamanta mañacusunayta presentaskayqui,
suyasajtaj. (Salmo 5 : 3.)

Jesús tutamanta jataricuspa, manaraj sut'iyashajtin llojserka, ch'in lugarman ripuspataj chaypi Diosmanta mañacorka. (Marcos 1 : 35.)

Espirituwan junt'askas caychej. Parlanacuspa kancuna uqhu salmoswan, himnoswan, Espirituman jina taquinaswantaj, Señorta yupaychaspataj sonkoyquichejpi. Dios Tataman tucuy imamanta graciasta koychejpuni Señorninchej Jesu Cristoj sutinpi. (Efesios 5 : 18-20.)

Ama tantacamuyta konkapunachejchu, waquin yachaskas caskancuman jina, antes animanacuycnej. (Hebreos 10 : 25.)

Khawallajtaj: Salmo 51 : 15. Salmo 147 : 1.
Proverbios 15 : 8. Daniel 6. Lucas 2 : 37. Lucas 11 : 1.
Hechos 10 : 2, 30. Filipenses 4 : 6-8.

2. CASARACUYKA

Casaracuyka Diospa churaskanmin cay cawsaypaj

Jehová Diostaj nerka: Mana allinchi runa sapallan cananka. Paypaj ruwapusaj yanapajta, chayraycu khareka mamanta tatanta sakespa, warminwan tantaycuconka, uj aychalla cankancutaj. (Génesis 2 : 18, 24.)

Señor Jesús nerka: Manachu leerkanquichej, kallariypeka paycunata ruwarka chayka, orkota chinatawan paycunata ruwaskanta? Nerkataj: Cayraycu khareka tatanta mamantawan sakeponka, warminwantaj tantaycuconka, iscaynincutaj uj aychalla cankancu. Ajinaka mañana iscaychu, cancu,

sinoka uj aychalla. Chayraycu Dios tantarka, ama runaka chaycunata t'akachunchu. (Mateo 19 : 4-6.)

Khawallaytaj: Mateo 19 : 7-12. Lucas 20 : 27-36.

Señorata chayri kosata ajllacuyka

Ama mana creejcunawan yugopi tantacuychejchu. Imaynatataj c'anchayka lakhawan chajruconkachu? Ima parteyoj creej runa canka mana creejwan? (2 Corintios 6 : 14, 15.)

C'acha warmeka kosanpa pillunmin. Allin yuyayniyoj warmi Jehovamantamin. (Proverbios 12 : 4. Proverbios 19 : 14.)

Noviaka consientecunan tian

Rebecata wajyaspa nerkanca: Cay khariwan riwajchu? Paytaj cuticherka: Ari, risaj, nispa. (Génesis 24 : 58.)

Khari warmi ajinata portacunancu

Kosas, warmisniyquichejta munacuychej, imaynatachus Cristo iglesiata munacorka, pay quiquintataj payraycu entregacorka ajinata. (Efesios 5 : 25, 28.)

Kosaka warminman maychus konanta kochun Ajinallatataj warmipis kosanman kochun. Warmeka pay quiquinpa cuerponmanta mana atiyuniyojchu, antes kosan chaymanta atiyuniyoj. Ajinallatataj kosan pay quiquinpa cuerponmanta mana atiyuniyojchu, antes warmin chaymanta atiyuniyoj. Ama ujenka ujninman neganacuychejchu, solo pisi tiempollapaj canman chaylla, iscayniyquichej jinata munaspa, Diosmanta mañacunayquichejpaj. Watejmanta ujllaman tantacullaychejtaj, ama Satanás tentasunanpaj, mana aychayquichejta sujetacuy atiskayquichejraycu. (1 Corintios 7 : 3-5.)

Ajinallatataj, kancuna warmis, kosasniyquichejman sujetacuychej, mana palabrata creejcuna kosaspis ganaskas canancupaj mana palabrawanpis, warmis-nincuj allinta puriskancuwan. (1 Pedro 3 : 1, 2.)

Ajinallatataj kancuna kosas, paycunawan allinta tiacuychej, warmisniyquichejta respetaspa, mana chhica callpayojta jina, Diosmanta favoreciska cawsayta herenciapaj cusca recibispa, Diosmanta mañacuskayquichejka ama atajaska cananpaj. (1 Pedro 3 : 7.)

Khawallaytaj: Colosenses 3 : 18-21.

Vieja creyentes ajinata portacunancu

Ajinallatataj viejaspis santo cajcuna jina purinancu. Ama llullacuspa tumpachuncuchu, ama ashqha vinota ujjachuncuchu. Allin cajta yachachincuchu, joven warmista yachachinancupaj allin yuyayniyoj canancuta, kosasnincuta munacunancuta, wawasnincuta munacunancuta, sujetacunancuta, llimphus, wasincupi ruwacuj, c'achas canancuta, kosasnincuman sujetacuj, Diospa palabramanta ama pipis sajra rimananpaj. (Tito 2 : 3-5.)

Warmisapasmanta

Casaraska warmeka kosan cawsashanancama ley-raycu obligaska cashan. Pero sichus kosan wanupunman chayka, libre cashan piwanpis munan chaywan casaracunanj, Senorpipuni cajtenka. (1 Corintios 7 : 39.)

★ ★ ★

Dios nerka: Ni mayken warmisapatapis, nitaj mana tatayoj wawastapis phutichinquichu. (Éxodo 22 : 22.)

Jamusaj kancunaman juiciopi. Sayaricusaj chaypi chay ratu testigomanta warmisapasta mana tatayojta

jornalnincupi engañajcunaj contranta. (Malaquías 3 : 5.)

Khawallaytaj: Génesis 24. Proverbios 31 : 10-31.
Marcos 10 : 11, 12. Juan 2 : 1-11. 1 Corintios 7 : 12-16.
Gálatas 3 : 27, 28. 1 Timoteo 5 : 8.

3. LLIMPHU-CAYKA

Señor Jesús nerka: Cusicuyniyojmin llimphu sonkoyoj cajcunaka, imaraycuchus paycuna Diosta riconkancu. (Mateo 5 : 8.)

* * *

Jovenpi casaracorkanqui chay warmiyquiwan cusicuy. Imaraycuchus sajra purej warme j siminmanta miel sut'un. Siminiskanka aceitemanta aswan llusc'amin. Pero tucucuypi payka ajenjo jina jayamin, filotaj iscay filoyoj espada jina. Chaquisnin wanuyman uraycuncu. Puriskantaj wañuy lugar ñanta rin. (Proverbios 5 : 18, 3-5.)

Casaracuytaka tucuy respetachuncu, camataj mana juchayoj cachun. Pero kenchacunata millay cawsayniyoj cunatawan Dios juzganka. (Hebreos 13 : 4.)

Señor Jesús nerka: Imaraycuchus sonkomanta llojsimuncu sajra yuyaycuna, runa wañuchiycuna, kenchachacuycuna, millay cawsay, suwaycuna, llulla rimariycuna, Diospa contranta rimaycuna. Cay imasmin runataka ch'ichichancu. Pero mana mayllaska maquiwan miqhuyka mana runataka ch'ichichanchu. Jesús nillarkataj: Pillapis uj warmita munapayananpaj khawanman chayka, ñapis sonkonpi paywan kenchachacunña. Chayraycu sichus paña ñawiyqui misc'achisunquiman chayka, qhuchurpariy wijch'upuytaj. Mejor casunqui uj partellayqui chin-capunan, amataj tucuy nin cuerpoyqui infiernoman

wijch'uska cananka. (Mateo 15 : 19, 20. Mateo 5 : 28, 29.)

* * *

Ama pantaychejchu, millayta ruwajcuna Diospa gobiernonta herenciapaj mana jap'enkancuchu. Nitaj lanti adorajcunapis, nitaj khenchaspis, nitaj warmi jina imanachicujcunapis, nitaj khari pura juchallijcunapis, nitaj suwaspis, nitaj machaycujcunapis, nitaj rimapayajcunapis, nitaj engañajcunapis Diospa gobiernonta herenciapaj jap'enkancuchu. Manachu yachanquichej cuerposniyquichejka Cristoj cuerponpa partesnin caskanta? Manachu yachanquichej uj millay warmiwan tantaycucujka, paywan uj sapan cuerpolla capuskanta? Pero Señorwan tantacujka, uj espiritulla. Khenchachacuymanta aykeychej. Manachu yachanquichej cuerpoyquichej Santo Espirituj wasin caskanta? Pay kancunapi cashan. Payta Diosmanta recibinquichej. Manataj kancunajtachu canquichej. Imaraycuchus preciowanmin rantiskas canquichej. Cuerpoyquichejpi Diosta yupaychaychej ari. (1 Corintios 6 : 9, 10, 15-20.)

P'unchaypi purina jinata purinachej, ama jatun miqhuycunapichu ni machaycunapichu, ama khenchachacuypichu, nitaj sajra puriypichu. Ama makanacuypi nitaj envidiapichu purinachej. Antes Señor Jesu Cristowan p'achallicuychej, amataj aychata casuychejchu munaynincunapi. (Romanos 13 : 13, 14.)

Imatachus runa tarpun, chayllatataj cosechanka Imaraycuchus aychanpaj tarpujka, aychamanta pierdecujta cosechanka. Pero Santo Espiritupaj tarpujka, Santo Espiritumanta wiñay cawsayta cosechanka. (Gálatas 6 : 7, 8.)

Khawallaytaj: Génesis 39. 2 Samuel 11 y 12.
Proverbios 6 : 23-33. Proverbios 7. Proverbios 9 : 13-18.
Marcos 6 : 17-28. Colosenses 3 : 5.

T'akanacuy divorciopis

Señor Jesús nerka: Pillapis warminmanta t'akacuspa, ujwan casaracunman chayka, paypa contranta khenchachacun. Sitajchus warmeka kosanmanta t'akacuspa, ujwan casaracunman chayka khenchachacun. (Marcos 10 : 11, 12.)

Apostol Pablo escriberka: Casaraskas cajcunata camachini, mana ñokachu antes Señormin camachin, ama warmenka kosanmanta t'akacunanta. Sitajchus t'akacunman chayka, amaña casaracuchunchu, chayri kosanwan allinyacapuchun. Kosanpis ama warminta sakerpayachunchu. (1 Corintios 7 : 10, 11.)

Khawallaytaj: Mateo 19 : 3-9.

4. TATASWAN WAWASWAN

*Khaway, Jehovamanta herencia cancu
wawacunaka, paypaj premiontaj
wijsaj pokoynin.*

Salmo 127 : 3

Wawasta yachachiyka

Wawata yachachiy maychus purinanta, viejo cajtinri mana chaymanta t'akaconkachu. (Proverbios 22 : 6.)

Dios nerka: Chayraycu cay palabrasniyta sonkoyquichejman almayquichejman churanquichej... yachachinquichejtaj wawasniyquichejman, parlaspa chaymanta tiyaricuspapis, wasiyquipipis, ñanpi purishaspapis, jataricuspapis. (Deuteronomio 11 : 18, 19.)

Señor Jesús nerka: Pillapis cay jina uj wawata sutiypi recibinman chayka, ñokata recibivan. Pillatajpis cay juch'uyacunamanta, ñokapi creejcunata, ujninta misc'achinman chayka, mejor paypaj canman

molino rumita cuncanman warqhunancuta, paytataj jatun kocha uqhuman chincaycuchinancuta. (Mateo 18 : 5, 6.)

Jesús nerkataj: Sakeychej wawasta ñokaman jamunancuta, amataj jarc'aychejchu, imaraycuchus cay jinacunajtamin Diospa gobiernonka. Paycunata ichurispataj, maquisninta churaycuspataj, paycunata bendecerka. (Marcos 10 : 14, 16.)

* * *

Mana chicotewan koyta munajka wawantaka chejnicun. Pero wawanta munacujka juch'uy cashajtillanraj correjenka. (Proverbios 13 : 24.)

Kancunari, tatas, ama wawasniyquichejta rabia-chiychejchu. Antes paycunata uywaychej Señormanta correjespa c'amispataj. (Efesios 6 : 4.)

Elipa churisnin mana Jehovata rejserkancuchu. Diospa ñawpakenpi ancha jatun jovencunaj juchasnincu carka. Jehovataj nerka: Khaway, Ñoka wasinta wiñaypaj juzgasaj, yachashan chay millaymanta, imaraycuchus wawasnin rimasharkancu Diospa contranta, nitaj chaymanta c'amerkachu. (1 Samuel 2 : 12, 17. 1 Samuel 3 : 11, 13.)

Wawas ajinata purinancu tian

Wawacuna tatasniyquichejta Señorpi casuychej, imaraycuchus cayka justomin. Respetay tatayquita mamayquitawan allinta risunanpaj unayta jallp'api cawsanayquipajtaj. (Efesios 6 : 1-3.)

Khawallaytaj: Éxodo 2 : 1-10. Números 27 : 8-11. Josué 24 : 15. 1 Samuel 1. Job 1 : 5. Salmo 78 : 1-8. Salmo 144 : 12-15. Proverbios 17 : 6. Proverbios 20 : 11. Proverbios 29 : 15, 17. Marcos 10 : 13-16. Lucas 2 : 41-52. 2 Timoteo 1 : 5. 2 Timoteo 3 : 15.

SAPA UJNINCHEJPA PURIYNINCHEJ

Tucuy ñancunayquiipi payllata reconocey.

Proverbios 3 : 6

I. MIQHUYKA UJYAYKA

Dios kollanpuni

Jhovata bendeciy, O almáy. Pay animalcunapaj pastota wiñachin, plantastataj runasta sirvinancupaj, jallp'amanta t'antata orkonanpaj. (Salmo 104 : 1, 14.)

Janajpachapi cashaj Tataycu cunan sapa p'unchaypaj jina t'antaycuta kowaycu. (Mateo 6 : 9, 11.)

Señor Jesús nerka: Ama ari phuticuychejchu: Imata miqhusunchej chayri imata ujyasunchej? nispa Janajpacha Tatayqui yachan cay imata necesitaskayquichejta. (Mateo 6 : 31, 32.)

Khawallaytaj: Salmo 65 : 9-13.

Imatachus miqhuyta aticun

Señor Jesús nerka: Tucuy jawamanta runaman yaycujska mana payta ch'ichichayta atinchu. Imaraycuchus mana sonkonman yaycunchu, antes wijsanman yaycun. Ajinata tucuy miqhunasta llimphu caskanta nerka. (Marcos 7 : 18, 19.)

Ima aychatapis recobapi vendecun, chaymanta miqhuychej, ama imatapis tapuspa concienciaraycu. Sitajchus uj mana creejska wajyasunquichejman chayka, riyta munawajchejtaj chayka, ñawpakeyquichejman tucuy churaska cajmanta miqhuychej, ama imatapis tapuspa concienciaraycu. Pero sichus pipis nisunquichejman: Cayka idoloman sacrificaska carka, nispa chayka, ama chayta miqhuychejchu. Chayraycu

miqhuspapis, ujjaspapis, ruwaspapis tucuy imata Diospa glorianpaj ruwaychej. (1 Corintios 10 : 25, 27, 28, 31.)

Machaycucuyka

Pejpata ay tian? Pejpata phutiy? Pejpata makanacuy? Pitaj quejacun? Pejpata khasimanta heridas tian? Pejpa ñawin pucayacun? Vinota ujjaspa tardacujcunajta, chajruska vinota llamej rejcunajtataj. Ama vinota khawaychu puca cajtin, copapi lliphipejtin, facilita ujjaycujtin. Khepata catari jinata qhanin, acero jinatataj wach'in. (Proverbios 23 : 29-32.)

Ama vinowan machaycucuychejchu. Chaypi sajra cawsay tian. Antes Espirituwan junt'askas caychej. (Efesios 5 : 18.)

Pasarka chay tiempo basta canan Gentilcunaj munayninta ruwaskanchejka, maypachachus purerkanchej millay cawsaypi, sajra munaypi, vino ujjaypi, machaycucunapi, jatun miqhuycunapi, millay lanticuna adoraypipis. Estrañancu mana paycunawan chay quiquin sajra cawsaypi correskayquichejmanta, sajrata kancunamanta rimaspa. Pero paycuna cuentata konkancu payman pichus listo cashan cawsajcunata wanuskacunatawan juiciopi juzgananpaj. (1 Pedro 4 : 3-5.)

Khawallaytaj: Proverbios 23 : 20, 21.

Isaías 5 : 11, 12, 22, 23. 1 Corintios 5 : 9-11.

Gálatas 5 : 19-21.

Ayunoka

Manachu cayka ayuno ajllaskayka, sajra watanasta phascanata, yugo lazosta wataranata, nac'arichiskacunata cacharinata, tucuy yugosta p'aquiranatapis? Manachu t'antayquita yarkachicujwan partinayqui, mana wasiyoj wajchasta wasiyquiman wajyacunayqui,

k'ala runata ricujtiyqui payta khatanayqui? (Isaías 58 : 6, 7.)

Señor Jesús nerka: Ayunashaspaka, ama puraj uyas jinachu caychej, llaquiska uyalla. Imaraycuchus uyasnincuta uj jinayachincu, ayunaskancuta runas ricunancupaj. Chekamanta niyquichej, ñapis premi-oyojña cancu. Pero kanka, ayunashaspa umayquita jawiy, uyayquita mayllay, ama runasman ayunajman rijch'acunayquipaj, antes pacaypi cashaj Tatallayquiman. Pacaypi ricuj Tatayquitaj runaj ñawpakenpi premiota kosonka. (Mateo 6 : 16-18.)

Diosman graciasta koyka miqhuymanta

Dios miqhuycunata ruwarka verdadta rejsincu creencutaj chaycuna recibinancupaj graciasta kospa. (I Timoteo 4 : 3.)

Pablo tucuyta animarka miqhunancuta ... t'antata jap'ispa tucuyta ñawpakenpi graciasta korka partis-pataj miqhuyta kallarerka. (Hechos 27 : 33, 35.)

Khawallaytaj: Éxodo 16. Éxodo 17 : 1-7.
I Reyes 17 : 1-16. Salmo 104 : 10-28. Salmo 111 : 5.
Salmo 145 : 15, 16. Daniel 1 : 5, 8-16. Mateo 9 : 10.
Marcos 8 : 1-21. Lucas 12 : 22-26. Lucas 15 : 2.
Juan 6 : 1-13. Hechos 11 : 1-18. I Corintios 5 : 11.
I Corintios 8 : 4-13.

2. P'ACHALLICHICUYKA

Jehová Dios kharipaj warmipajpis p'achasta ruwapurka karamanta. Paycunata p'achallicherkataj. (Génesis 3 : 21.)

Señor Jesús nerka: Ama ari phuticuychejchu: Imawan p'achallicusunchej? nispa. Janajpacha Tatayquichej yachan cay imasta necesitaskayquichejta. (Mateo 6 : 31, 32.)

Warmis ama jawallamantachu c'achanchacuchuncuchu, chujchata ama c'uyuchuncuchu, korita churacuspa. Lujo p'achasta amataj churacuchuncuchu. Antes pacaska runa, sonkopi caj, mana ismuy atej adornowan c'achanchaska cachun, llamp'u sonkowan ch'in sonkowantaj. Caytaj Diospa ñawpakenpi may valorniyojmin. (I Pedro 3 : 3, 4.)

Khawallaytaj: Deuteronomio 22 : 5. Lucas 12 : 27-34.
I Timoteo 2 : 8-10.

3. LLIMPHUTA PURIYKA

Levitaska p'achasnincuta t'ajsarkancu ... ajinata jamurkancu servicioncuta ruwaj tantacuna toldopi. (Números 8 : 21, 22.)

Jehová Moisesman nerka: Runacunaman riy, paycunata ñokaman t'akay k'aya minchatawan. P'achasnincuta t'ajsachuncu ... imaraycuchus Jehová uraycamonka tucuy runacuna ricushajtincu. (Éxodo 19 : 10, 11.)

Cuerpoyquichej Santo Espirituj yupaychana wasin. Pay kancunapi cashan. (I Corintios 6 : 19.)

* * *

Santo lugarman yaycunanchejpaj libres canchej Jesu Cristoj yawarninnejta ... cheka sonkowan kayllaycunachej, creeskanchejpi seguropuni caspa, sonkosninchejtaj sajra concienciamanta llimphus caspa, cuerposninchejtaj ch'uwa yacuwan mayllaskas. (Hebreos 10 : 19, 22.)

Khawallaytaj: I Corintios 3 : 16, 17.

4. PARLANACUYKA

*Churay, O Jehová, simiyman centinelata,
simiypa puncunta khaway.*

Salmo 141 : 3

Palabraska sonkota sut'ichancu

Señor Jesús nerka: Sonko junt'a caskanman jina simeka parlan. C'acha runaka sonkonpa c'acha capuyninmanta c'acha cajta orkomun. Sajra runataj sajra capuyninmanta sajra cajta orkomun. Ñokataj niyquichej, tucuy yankha palabrata runas parlan-cuman, chaymanta juicio p'unchaypi cuentata konkancu. Imaraycuchus palabrasniyquiman jina justopaj rejsiska canqui, palabrasniyquiman jinataj juchachaska canqui. (Mateo 12 : 34-37.)

Sichus pipis religionniyoj caskanta yuyan, manataj kallunta refrenanchu, antes sonkanta engañan chayka, caypa religionnenka yankhamin. Sichus mana palab-rapi misc'anchu chayka, chaymin cabal runaka, atillantaj tucuy cuerponta refrenayta. (Santiago 1 : 26. Santiago 3 : 2.)

Khawallaytaj: Santiago 3 : 3-12.

Imaynatachus parlananchej

Ama Jehová Diosniyquej sutinta khasimanta okharinquichu. (Éxodo 20 : 7.)

Señor Jesús nerka: Ama imaynapis juraychejchu. Antes parlaskayquichejka Ari, Ari, Mana, Mana cachun. Ama tumpaychejchu ama tumpasunancupaj. (Mateo 5 : 34, 37. Mateo 7 : 1.)

Ama llulla parlariata uyarinquichu. Amataj sajra runawan juntachacunquichu llulla testigo canay-quipajka. (Éxodo 23 : 1.)

Tucuy runa pronto cachun uyarinanpaj. Tardacuj cachun parlananpaj. Tardacujtaj cachun rabiacunanpaj. (Santiago 1 : 19.)

C'acha señorata pitaj tariyta atin? Yachaywan siminta quichan, c'acha-caymanta chay leyka kallunpi cashan. (Proverbios 31 : 10, 26.)

Khawallaytaj: Malaquías 3 : 16. Efesios 4 : 25.
Colosenses 4 : 6. 1 Pedro 3 : 10.

Fiero insultaj palabramanta

Ama simiyquichejmantaka sajra palabrika llojsichunchu. Wiñachinanpaj allin palabrilla llojsichun, uyarejcunaman Diosmanta favorta konanpaj. Tucuy jaya sonko caj, phiñacuy rabiacuy, khakeyay, rimapayay, kancunamantaka khechuska cachun, tucuy sajra-caypis. (Efesios 4 : 29, 31.)

Khenchachacuy, tucuy millay caj, chayri munapayay, ama sutillantapis kancuna uqhupeka okhariychejchu, imaynatachus santo cajcunaman convienen jinata. Ama millayta parlaychejchu, amataj thawtiychejchu, amataj chansasta ruwaychejchu. Chaycunaka mana convienenchu. Antes graciasta koychej. (Efesios 5 : 3, 4.)

Ama ujcuna ujcunamanka llullacuychejchu. (Colosenses 3 : 9.)

Ama cuentasiri puriycachaychu llajta masisniyqui uqhupi. (Levítico 19 : 16.)

Khawallaytaj: Éxodo 4 : 10-12. Proverbios 6 : 16-19.
Proverbios 15 : 1-8. Proverbios 16 : 27, 28.
Proverbios 26 : 18-28. Santiago 4 : 11-17.
1 Pedro 2 : 21-23.

5. PHUTIYCUNA ONKOYCUNAWAN

*Cristo nac'aripuwarkanchej, ejemplota sakespa,
saruskasninta khatinayquichejpaj.*

I Pedro 2 : 21.

Nanaywan onkoywan jucharaycumin mundoman yaycurkancu

Uj sapan runaraycu juchaka mundoman yay-
cumurka, jucharaycupis wañuy yaycumurka.
(Romanos 5 : 12.)

Diospa tucuy ruwaskan ujllapi aykoshan, wachay
nanaypi cunancama cashantaj. Ñokanchej quiquin-
chejpis quiquinchejpi aykonchej. Churispaj recibiskas
cayta suyanchejtaj, cuerponchej libraska cananta
chayta. (Romanos 8 : 22, 23.)

Jesucristomin llaquiy ñanta purerka

Jesucristo Churi caspapis casucuyta yachacorka
nac'ariskanwan, Cabalaska caspataj, paymanta wiñay
salvación llojsin tucuy payta casujcunapaj. (Hebreos
5 : 8, 9.)

Nanaysapa khari, nac'ariyta rejsejtaj. (Isaías 53 : 3.)

Dios runacunanta jarc'an llaquiyacunapi

Dioska pacacunanchej, callpanchejtaj, nac'ariypi
listo auxilio. (Salmo 46 : 1.)

* * *

Jehová ajinata nin, Ruwasujniyqui: Ama mancha-
chicuychu, imaraycuchus preciowan librarkayqui.
Yacusnejta pasajtiyqui ñoka kanwan casaj. Mayus-
nejta pasajtiyqui: mana atipasonkancuchu. Ninanejta
pasajtiyqui mana ruphasonkachu. (Isaías 43 : 1, 2.)

Chay qhuyacuj Tata, tucuy consueloj Diosnintaj, yupaychaska cachun. Pay tucuy llaquiyniycupi consolawaycu, ñokaycupis ima llaquiypi cajcunata consolayta atinaycupaj, Dios consolawaycu chay consuelowan. Imaraycuchus imaynatachus Cristoj nac'ariy-nincunawan ñokaycupis mayta nac'ariycu, ajinallataj Cristonejta may consolaskas caycu. (2 Corintios 1 : 3-5.)

Cunan p'unchayniyquiipi jinallataj canka callpayqueka. Wiñaypaj cawsaj Dioska pacacunayqueka, cay urapi wiñaypaj caj maqueka. (Deuteronomio 33 : 25, 27.)

Dioska llaquiycunata bendicionman tucuchin

Yachanchejtaj Diosta munacujcunataka, tucuy ima paycunataka allinpaj yanapan. (Romanos 8 : 28.)

Hermanosniy, yuyaychej jatun cusiy caskanta probaskas cajtiyquichej, yachaspa creeskayquichej probaska cajtin pacienciata ruwan. Pero pacienciaka cabalacuchun, cabalaska junt'askataj canayquichejpaj, ni imapi faltashaj canayquichejpaj. (Santiago 1 : 2-4.)

Creyentej sufrimienton cunallanpajmin

Imaraycuchus uj ratollapaj chay chhalla phutiyninchejka ruwapuwanchej manchay jatun wiñay llasa gloriata. (2 Corintios 4 : 17.)

Apostol Juan escriberka: Ricurkani mosoj janajpachata mosoj caypachatawan ... Uyarerkanitaj janajpachamanta jatun vozta nishajta: Khaway, Diospa jatun toldon runaswanmin, paycunawantaj tiyaconka ... Diostaj tucuy wakayta ñawisnincumanta pichanka. Manañataj wañuy cankachu. Nitaj ima phutiy cankañachu. Nitaj wakay nitaj nanay cankachu,

ñawpaj caj imas pasacapuskancuraycu. (Apocalipsis
21 : 1, 3, 4.)

Khawallaytaj: 2 Reyes 5 : 1-19. Salmo 91.
Salmo 103 : 1-4. Salmo 142. Proverbios 3 : 11, 12.
Isaías 38. Marcos 2 : 1-12; ashqha Señor Jesús pa
milagrosninpis. Juan 16 : 20-22. Hechos 3 : 1-10.
2 Corintios 12 : 7-10. Filipenses 3 : 7-10. 1 Pedro 4 : 12-19.
1 Pedro 5 : 10.

UJCUNAWAN PURIYNINCHEJ

*Ajinata c'anchayniyquichej runacunaj
ñawpakenpi c'anchachun, allin
ruwaskasniyquichejta ricuspa, janajpachap, i
cashaj Tatayquichejta yupaychanancupaj.*

Mateo 5 : 16

I. MANDAJCUNA

Estadopi

Señor Jesús nerka: Cesarpata cajtaka Cesarman entregaychej ari, Diospata cajtataj Diosman. (Mateo 22 : 21.)

★ ★ ★

Tucuy runa curaj autoridadcunaman sujetacuchun, imaraycuchus autoridadka Diosmanta. Autoridades cajcunataj Diospa churaskan cancu. Ajinaka pichus autoridadta mana casucunchu Diospa churaskanta mana casucunchu. Mana casujcunataj juiciota recibenkancu. Imaraycuchus juezcunaka allinta ruwajcunapajka mana manchachicunancupajchu cancu, antes sajrata ruwajcunapaj. Munanquichuari autoridadta mana manchachicuyta? Allin cajta ruway paytaj alabasonka. Maychus konayquichejta tucuyman koychej. Pimanclus tasataka konayquichej tasata koychej. Pimanclus aduanataka konayquichej aduanata koychej. Pimanclus manchacuytaka konayquichej manchacuyta koychej. Pimanclus respetotaka konayquichej respetota koychej. (Romanos 13 : 1-3, 7.)

★ ★ ★

Animani ñawpajtaraj Diosmanta roganata, mañacunata, ujcunapaj mañapunata, agradececunata tucuy runapaj, reycunapaj mañapunata, tucuy autoridadcunapajpis, allinta ch'inllata cawsananchejpaj, tucuy

imapi Diosta manchachuspa, respetaspataj. Caymin allin, Salvadorninchej Diospa ñawpakenpi. (1 Timoteo 2 : 1-3.)

Iglesiap

Pastoresniyquichejmanta yuyaricuychej, Diospa palabrantaparlasorkachej chaycunamanta. Paycunaj creeskancuta yachakacuychej. Reparaychej imaman-chus puriskancuka apaskanta. (Hebreos 13 : 7.)

Casucuychej pastoresniyquichejta, paycunamantaj sujetacuychej, imaraycuchus almasniyquichejraycu mana puñuspa khawancu. (Hebreos 13 : 17.)

Khawallaytaj: 1 Samuel 24. 1 Samuel 26.
2 Samuel 15-18. Salmo 72 : 1-4. 1 Pedro 2 : 13-18.

2. TRABAJO

Dios munan runas trabajanancuta

Jehová Dios runata pusarka Eden huertaman, payta churarkataj llanc'ananpaj khawananpajtaj. (Génesis 2 : 15.)

Jehová Diostaj Eden huertamanta payta kharkorka jallp'ata llanc'ananpaj. Chaymanta pay orkoska carka. (Génesis 3 : 23.)

★ ★ ★

Ashqhas Jesusta uyarispa t'ucurerkancu: Manachu cay chay carpintero? nispa. (Marcos 6 : 2, 3.)

★ ★ ★

Apostol Pablo escriberka: Munaychej ch'inlla cacuyta, ruwanasniyquichejta ruwaycuspa, maquisniyquichejwantaj llanc'aspa. (1 Tesalonicenses 4 : 11.)

Cayta camacherkaycu: Sichus pipis mana llanc'ayta munanmanchu chayka amallataj miqhuchunchu.

Imaraycuchus uyariycu waquin kancuna chawpipi mana casucuspa puriskancuta. Mana imapipis llanc'ancuchu, antes tucuy imaman metecuncu. Cunanka chay jina cajcunataka camachiyacu rogaycutaj, Señorninchej Jesu Cristoraycu, ch'inmanta llanc'anancuta t'antancuta miqhunancutataj.

(2 Tesalonicenses 3 : 10-12.)

Apostol Pablo nerkataj: Yachanquichej pisiwaskanpaj ñokawan carkancu chaycunapajpis cay maquisniy sirviwarkancu. Tucuy imapi yachacherkayquichej, ajinata llanc'aspa mana callpayoj cajcunata yanapanayquichejta. (Hechos 20 : 34, 35.)

Imaynatachus llanc'ananchej

Camachis, mundopi caj patronesniyquichejta tucuy imapi casuychej. Ama ricushajtillancu casuychejchu runata agradajcuna jinata. Antes tucuy sonko casuychej Diosta manchachicuspa. Tucuy ruwaskayquichejtataj tucuy sonkowan ruwaychej, Señorpaj jinata, manataj runaspaj jinataka. Yachanquichej herencia-manta chayasuskanta Señor manta recibinayquichejta. Imaraycuchus Señor Cristota sirvinquichej.

(Colosenses 3 : 22-24.)

Creej patronniyoj cajcunaka, ama paycunata khesachachuncuchu, hermanos caskancuraycu. Antes astawan allinta sirvichuncu, fieles munacuskastaj caskancuraycu, bendicionmanta parteyojcuna.

(1 Timoteo 6 : 2.)

Animay camachista patronesnincuman sujetacuncuta, paycunata agradaspa tucuy imapi, ama cutichispa. Animay ama suwanancuta, antes allin fiel canancuta, tucuy imapi Dios Salvadorninchejpa yachachiskanta c'achanchanancupaj. (Tito 2 : 9, 10.)

★ ★ ★

Uj chhicallapi fiel cajka ashqhapi pis fiellataj. Uj

chhicalapi mana justo cajka ashqhapipis mana justollatajchu. (Lucas 16 : 10.)

* * *

Tucuy ruwaskayquichejta, Señor Jesuspa sutinpi tucuy imataka ruwaychej. (Colosenses 3 : 17.)

Khawallaytaj: Génesis 39 : 1-6. Génesis 41 : 38-41.
Salmo 90 : 17. Proverbios 6 : 6-11. Proverbios 24 : 30-34.
Eclesiastés 9 : 10. Eclesiastés 10 : 18. Eclesiastés 12 : 14.
Hechos 18 : 3. 1 Corintios 3 : 9. Efesios 4 : 28.

3. PATRONESWAN TRABAJJCUNAWAN

Patrones, justo cajta cabal cajtapis camachisniyquichejman koychej, yachaspa kancunapis janajpachapi Patronniyoj caskayquichejta. Kancunapis, patrones, amaña castigasaj niychejchu, yachaspa paycunaj Patronnincu kancunajtapis janajpachapi cashaskanta. Paytaj mana pitapis pi canmanpis jina khawanchu. (Colosenses 4 : 1. Efesios 6 : 9.)

Llanc'apusunqui chay wajcha necesidadniyoj runata ama phutichinquichu. Llanc'an chay diapacha kopunqui jornalninta, amataj inteka yaycuchunchu niraj jaywapushajtiyqueka. Imaraycuchus wajcha caspa chaywanmin miqhun cawsananpaj.

(Deuteronomio 24 : 14, 15.)

Jamusaj kancunaman juiciopi. Sayaricusaj chay ratu testigomanta ch'atanaypaj llanc'ajcunaj jornalnincuta engañajcunaj contranta, Cielo Ejercitospa Jehovanincu nin. (Malaquías 3 : 5.)

Ay chay runamanta pi wasinta wasichan mana justiciallawan, runamasinpa trabajonwan, nitaj llanc'askanmanta jornalninta kopuspa. (Jeremías 22 : 13.)

Aswan c'acha ñanka

Señor Jesús nerka: Kancuna chawpipi curaj cajka, sullc'a jina cachun. Jatun cajri sirvej jina cachun. Pero ñoka sirvej jina kancuna chawpipi cani. (Lucas 22 : 26, 27.)

* * *

Cristopi chay yuyay carka, kancunapipis callachuntaj. Payka Dios-cayninpipuni caspa, Dioswan igual caskanta mana jap'icapunanpaj jinatachu khawarka, antes glorianta orkocorka, camachiy rijch'ayta jap'icuspa runaj rijch'ayninman tucorka. (Filipenses 2 : 5-7.)

Khawallaytaj: Mateo 23 : 10-12. Marcos 10 : 42-44. Lucas 7 : 2-10. Juan 13 : 1-17. Filemón 8-22.

4. KOLKEWAN CAPUYNINCHEJWAN

*Señor Jesu Cristoj favorninta yachanquichej.
Pay, khapaj caspapis, chaywanpis kancunaraycu
wajchayacapurka, pay wajchayaskanraycu kancuna
khapajyanayquichejpaj.*

2 Corintios 8 : 9

Honrado-cayka

Ama suwanquichu, ni ima cajtapis runa-masiyquejta munapayanquichu. (Éxodo 20 : 15, 17.)

Llajta-masiyquej lindesninta ama juch'uyachinquichu. (Deuteronomio 19 : 14.)

Amataj mana allin justiciata ruwaychu jallp'ata medishaspa, pesospipis ni ima medidapipis. Balanzasniyquipis cabal cachuncu, achupallasniyquipis. Ñoka Jehová Diosniyqui cani. (Levítico 19 : 35, 36.)

Dios nerka: Justiciapi purejka cheka cajta parlajpis, nac'arichiskawan ganaskata chejnejka, maquina thalaj

ama lluc'uiskata jap'inanpaj ... paymin alto lugarpi tiyaconka. Paypa defiendecunan lugar rumi fortin canka. Payman t'antanta konkancu, yacuntaj seguro canka. (Isaías 33 : 15, 16.)

* * *

Maypachachus uj runa suwacunman suwaskanta tucuyta cutichipunan tian. Sichus pipis ujpa lugar-ninpi chajranpi chayri huertanpi uywanta dañachinman chayka jallp'anmanta huertanmanta aswan allin cajninta cutichiponka. Tucuy laya suwaycunapi sichus juez juchachanman chayka, iscay cutita cutichipunan tian chay llajta-masinman. (Éxodo 22 : 1, 3, 9, 25.)

Zaqueo Señorta nerka: Khaway Señor, capuwaj-niymanca cuscanta wajchasman koni. Imapichus pitapis engañarkani chayka, tawa chay jinantawan cutichipuni. Jesús payta nerka: Cunan p'unchay salvación cay wasiman jamun. (Lucas 19 : 8, 9.)

Mana kolkepi confiacunanchejchu

Señor Jesús nerka: Ama caypachapi khapaj capuycunata tantacuychejchu, chaypi thuta sarropis pierdechincu. Suwaspis jusc'uspa suwancu. Pero khapaj capuycunata tantacuychej janajpachapi. Imaraycuchus maypichus khapaj capuyniyquichej cashan chaypi sonkoyquichejpis callankataj. Diostawan kolketawan mana sirviyta atinquichejchu. (Mateo 6 : 19-21, 24.)

Apostol Pablo escriberka: Diosta manchachicuyka contento-cacuywan jatun gananciamin. Imaraycuchus mundoman mana imatapis apamurkanchejchu, nitaj imatapis caymanta apayta atisunchejchu. Pero miqhunayoj khatanasniyoj caspa, caywan contentacunachej. Pero khapajyacuyta munajcunaka tentacionman lazomanpis urmancu. Ashqha yankha pierdecnej munapayaycunamanpis urmancu. Chay imaska runata

chincarparichincu pierdecuypi wañuypitaj. Imaraycuchus kolke munacuyka tucuy imaymana sajra cajpa saphinmin. Ujcunataj chayta munapayaspa creena cajmanta pantarkancu, ashqha phutiycunawantaj r'ujsicorkancutaj. (1 Timoteo 6 : 6-10.)

Mana phuticunanchejchu jamuj imasmanta

Señor Jesús nerka: Ama cawsayniyquichejmanta phuticuychejchu imatachus miqhunayquichejta chayri imatachus uyanayquichejta. Amataj cuerpoyquichejmantapis phuticuychejchu imatachus churacunayquichejta. Janajpacha Tatayquichej yachan cay imasta necesitaskayquichejta. Pero ñawpajta masc'aychej Diospa gobiernonta justo-caynintawan. Cay tucuy imastataj yapasunkachej. (Mateo 6 : 25, 32, 33.)

* * *

Ama imamantapis phuticuychejchu. Antes tucuy imapi Diosmanta mañacupsa rogacuspataj mañacuskayquichejtaka Diosman willaychej, graciasta kospa. (Filipenses 4 : 6.)

Tucuy phuticuyniyquichejta payllaman pasachipuychej, imaraycuchus kancunamanta payman importan. (1 Pedro 5 : 7.)

Jhovaka michejniymin, ni ima faltawankachu. (Salmo 23 : 1.)

Cayta uyarillaychej

Señor Jesús nerka: Reparacuychej cuidacuychejtaj tucuy munapayaycunamantaka. Imaraycuchus runaj cawsaynenka mana ashqha khapaj capuynillanpichu. Uj comparana cuentota paycunaman willarka: Uj khapaj runaj jallp'an ashqhata pokorka. Paytaj sonkonpi yuyasharka: Imanasajtaj? Cosechayta ni maypi tantanay canchu, nispa. Nerkataj: Cayta

ruwasaj. Pirwasniyta urmarachisaj, aswan jatuchejta ruwasaj. Chaypitaj tucuy cosechayta capuwaskasniytawan tantasaj. Almaytataj nisaj: Almay, ashqha watapajmin asqha capuycunasniyqui wakaychaskaña. Samaricuy, miqhuy, ujjay, cusicuytaj. Diostaj payta nerka: Ja upa, cunan ch'isiman almayquita mañasunkancu. Tantaskayquiri pejpataj canka? Ajinamin pay quiquillanpaj khapaj-cayta tantajka, manataj Diospaj khapajchu. (Lucas 12 : 15-21.)

Khawallaytaj: Deuteronomio 8 : 11-18.
Deuteronomio 16 : 18-20. Deuteronomio 25 : 13-16.
Josué 7. 1 Reyes 21. 2 Reyes 5 : 20-27. 2 Reyes 12 : 15.
Salmo 37 : 21-26. Proverbios 15 : 16, 17.
Proverbios 30 : 7-9. Mateo 19 : 16-26. Lucas 3 : 14.
Hebreos 13 : 5. Santiago 2 : 1-9. Santiago 5 : 1-6.

5. MANUSWAN MANURIYWAN

*Ama pimanpis manu caychejchu, sinoka
ujcuna ujcunatatataj munanacuyllata manu caychej.*

Romanos 13 : 8.

Maypachachus kolkeyquita manuspa llajtaymanta kanwan cashancu chay wajchasman ama interesnintaka mañanquichu. (Éxodo 22 : 25.)

O Jehová, pitaj wasiyquipi tiyaconka? Pitaj santo orkoyquipi tiyacaponka? Mana tumpay atina purej runa, justo-cayta ruwaj, sonkonpi chekata parlay, kolkenta mana injusto gananciapaj koj, nitaj kolkeraycu inocentej contranta sayaj. Cay imasta cumplejka ni jayc'aj cuyuchiskachu canka. (Salmo 15 : 1, 2, 5.)

Diosta mana manchachicuj runa mañaricuskata jap'in nitaj pagapunchu. Pero justoka qhuyayniyojmin, regalantaj. (Salmo 37 : 21.)

Khawallaytaj: Éxodo 22 : 1-15. Deuteronomio 24 : 10-15.
Mateo 18 : 23-34.

6. PLEITOS

Hermanos uqhu ama pleitos cachuncuchu

Señor Jesús nerka: Diosmanta mañacuspaka niychej ... juchaycuta perdonawaycu, imaraycuchus ñokaycupis tucuy manu cawajniycuta perdonaycu. (Lucas II : 2, 4.)

Nerkataj: Sitajchus hermanoyqui contrayquipi juchallicunman chayka, riy juchanta ricuchimuy sapayquichejpi. Uyarisunquiman chayka hermanoyquita gananqui. Pero mana uyarisunquiman chayka, ujta chayri iscayta pusay, chaywan iscay chayri quinsa testigoj siminpi tucuy palabrika sayananpaj. Sitajchus mana paycunata uyarinmanchu chayka, iglesiaman willay. Sitajchus mana iglesiatapis uyarinmanchu chayka, kanpaj Gentil jina tasa cobraj jinataj cachun. (Mateo 18 : 15-17.)

Nerkataj: Kancuna quiquiyquichejta reparacuychej. Sichus hermanoyqui contrayquita juchallicunman chayka payta c'amiy. Sitajchus juchamanta cutiricunman chayka, payta perdonay. Sichus kanchis cutita p'unchaypi contrayquipi juchallicunman chayka, kanchis cutita p'unchaypi cutimusunquiman: Perdonaway, nispa, payta perdonay. (Lucas 17 : 3, 4.)

* * *

Apostol Pablo escriberka: Maykenniyquichejpis ujwan ima asunto cajtin, manachu manchachicunquichej mana justocunaj ñawpakenpi pleiteacamuyta, manataj santo cajcunaj ñawpakenpi? Manachu chanta kancuna chawpipi yachayniyoj tian, ni ujllapis hermanos uqhu juzgayta atejka? Antes hermano hermanowan pleitopi purin, chaypis mana-creejcunaj ñawpakenpi. Cunan ari kancuna chawpipi juchayojña canquichej, kancuna uqhu pleitospi puriskayquichejraycu. Imaraycutaj antes mana abusaskancuta

aguantanquichejchu? Imaraycutaj mana antes engañachicujta sakecunquichejchu? (I Corintios 6 : 1, 5-7.)

Pleitoswan makanacuycunawan imaynatachus portacunanchej tian

Señor Jesús nerka: Pillatajpis pleitoman churayta munasunquiman sacoyquita khechususpa, paymanka ponchoyquitapis sakepuy. (Mateo 5 : 40.)

* * *

Ama runa-masiyquej contranta testigo jina llullacuspa parlanquichu. (Éxodo 20 : 16.)

Justiciata ruwashaspaka ama runataka ajllanquichu. Juch'uytapis jatuntapis uyarinquipuni. Ama pitapis manchachicunquichu, imaraycuchus Diospatamin juicioka. (Deuteronomio 1 : 17.)

Khawallaytaj: Deuteronomio 17 : 8-11.
2 Crónicas 19 : 4-11. Mateo 6 : 14-15. Romanos 13 : 1-10.

7. ENEMIGOS

*Chaypi payta chacatarkancu.
Jesustaj nerka: Tatáy, pardonay paycunata,
imaraycuchus mana yachancuchu
imatachus ruwaskancuta.*

Lucas 23 : 33, 34

Señor Jesús nerka: Munacuycnej enemigosniyquichejta. Allin cajta ruwaychej chejnisujcunaman. Bendeciycnej chay maldecesujcunata. Diosmanta mañapuychejtaj khasimanta tumpasujcunapaj. Uyayquipi sajmasujmanri ujnin lado uyayquitawan cutirichiy. (Lucas 6 : 27-29.)

Cusicuyniyojmin contrariosta allinyachejcunaka imaraycuchus paycunata Diospa churisnin nenkancu. (Mateo 5 : 9.)

Apostol Pedro escriberka: Cristo nac'aripuwarkanchej, ejemplota sakespa, saruskasninta khaticunanchejpaj. Payka maypachachus trataska carka chaypacha mana tratallarkatajchu. Maypachachus nac'arerka chaypacha mana castigasaj nerkachu. Antes justiciawan juzgajman entregaycurka. (1 Pedro 2 : 21, 23.)

Apostol Pablo escriberka: Ama pimanpis sajramanta sajrata cutichiychejchu. Sichus aticun chayka atiskayquichejta tucuy runaswan allillanta tiacuychej. Munacuskasniy, ama kancuna quiquiyquichej vengacuychejchu, imaraycuchus escribiskamin: Ñokajtamin vengacuyka. Ñoka pagasaj, Señorka nin. Ajinaka sichus contrarioyqui yarkachicunman chayka, miqhuyta koriy. Sichus contrarioyqui ch'aquichicunman chayka, yacuta koriy. Ama sajrawan atipachicuychu, antes sajrata allin cajwan atipay. (Romanos 12 : 17-21.)

* * *

Enemigoyqui urmajtin ama cusicuychu. Misc'ajtinri ama sonkoyqui cusicuchunchu. Ama niychu: Ruwawaskanman jinata payta ruwallasajtaj. Ruwas-kanta chay runata pagarisaj, nispa. (Proverbios 24 : 17, 29.)

Sichus enemigoyquej bueyninta chayri burronta chincaskata taricuwaj chayka, dueñonman cutichipunqui. Sichus chejnisujniyquej burronta cargawan ñit'iskata khawawaj chayka, nichu yanapariwaj? Arí yanapanayquipuni tian sayarichejtaka. (Éxodo 23 : 4, 5.)

Khawallaytaj: Génesis 37 : 18-28. Génesis 45 : 1-8.
1 Samuel 24. 1 Samuel 26. Hechos 7 : 54-60.
1 Corintios 13 : 4-7.

8. UJCUNAMAN KOYKA, VIAJAJCUNATA WAJYAYKA

Señor Jesús nerka: Khasimanta reciberkanquichej, khasimanta koychej. (Mateo 10 : 8.)

Nerkataj: Almuerzota chayri cenata ruwajtiyqui, ama amigosniyquita wajyacuychu. Nitaj wawkesniyquitapis nitaj familiayquitapis, nitaj khapaj llajtamasisniyquitapis wajyacuychu, ama wajyasuspa chay jinallataj cutichicunancupaj. Pero jatun miqhuyta ruwajtiyqueka, wajchasta, ñuc'usta, suchusta, ciegos-tawan wajyay. Cusicuyniyojtaj canqui mana cutichisuyta atiskancuraycu. Pero justo runas cawsarimpujtincu cutichiska casunka. (Lucas 14 : 12-14.)

Khawallaytaj: Mateo 6 : 1-4. 2 Corintios 9 : 6-15.
Hebreos 13 : 2, 16.

Diosman Koyka

Ñokajtamin kolkeka. Ñokaypatapuni koripis, nin Cielo Ejercitospata Jehová. (Hageo 2 : 8.)

Nitaj ni pipis (Diospa llajtanmanta) Jehovapa ñawpakenman kayllamuchunchu ch'usaj maquiyojka. Sapa ujka maquinpi ofrendanta apamuspa imaynatachus Jehová Diosniyqui bendecisurka chaymanta jina. (Deuteronomio 16 : 16, 17.)

Jesús khawaspa khapajcunata ricurka regalosta kolke churanaman churashajta. Uj wajcha warmisapapis ricullarkataj, iscay phatasta churashajta. Nerkataj chekamanta niyquichej, cay wajcha warmisapa tucuymanta curajta churarka. Imaraycuchus tucuy caycunaka curaj capuynincumanta churarkancu Diosman regalopaj. Pero cay warmeka wajchacayninmanta tucuy capuyninta churarka. (Lucas 21 : 1-4.)

Khawallaytaj: 1 Crónicas 29 : 6-14.

Dios bendecin regalajcunata

Apostol Pablo nerka: Tucuy imapi yachacherkayquichej ajinata llanc'aspa mana callpayojcunata yanapanayquichejta, Señor Jesuspa palabrasninta yuyaricunayquichejta: Pay nerka: Aswan cusicuy-niyojmin koy, recibinamantaka. (Hechos 20 : 35.)

Apamuychej tucuy chuncasninta sapa pachajmanta. Dispensaypi ama faltachunchu miqhuna. Cunantajmá rejsiwanquichej Cielo Ejercitospata Jehová nin, a ver manachus cielo ventanasta quicharipusaj jich'amusajtaj bendicionniyta astawan chaninta atipachisunaycama. (Malaquías 3 : 10.)

Uj runa ashqhata regalan, chaywanpis astawan khapajyacun, ujri regalananta mana konchu, pisichicuntaj. Regalaj runa khapajyacunka. Kharpajka kharpallaskataj canka. (Proverbios 11 : 24, 25.)

Koychej kollasunkachejta. Allin tupuskata nit'iskata kosunkachej. Thalaycuskata atipashajta t'impuyquichejman kosunkachej. Imaraycuchus quiquin mediskayquichej medidallapitaj medisunkachej.
(Lucas 6 : 38.)

Khawallaytaj: Proverbios 11 : 26. Mateo 25 : 31-40.
1 Corintios 13 : 3. 2 Corintios 8 : 1-12.

9. JUSTO-CAYRAYCU PERSEGUISKA-CAYKA

Jesús ejemplonchej

Señor Jesús nerka: Camacheka mana patronnimananta curajchu. Sichus ñokata perseguiwarkancu kancunatapis perseguisunkachej. (Juan 15 : 20.)

* * *

Pay nac'arichiska carka, llaquichiskataj carka, chaywanpis mana siminta quicharerkachu. Imayna-

tachus corderota nac'anancupaj aysancu, imaynatatajchus oveja ruthujcunaj ñawpakenpi ch'inlla cacun, ajinata mana siminta quicharerkachu. Abusowan juiciowanpis pusaska carka. Runa mitanri, pitaj yuyarka cawsajcunaj jallp'ancumanta t'ipiska carka, runasniypa mana casucuskancuraycu jasut'iska caskanta? Sajracunawan sepulturanta ruwarkancu, khapaj runawan wañuyninpi. Aunque mana pitapis dañarkachu, nitaj engaño siminpi carkachu. (Isaías 53 : 7-9.)

* * *

Señor Jesús yachachiskasninman nerka: Jap'iycusonkancu carcelesmantaj entregasonkancu. Pero cay canka testigos jina willanayquichejpaj. Sonkosniyquichejpiari churacuycnej ama ñawpajta yuyanayquichejta imatachus cutichinayquichejta. Imaraycuchus ñoka simita yachaytapis koskayquichej. Chayta tucuy contrariosniyquichej mana atipayta ni cutichiytapis atenkancuchu. Imaraycuchus mana kancunachu parlanquichej. Antes Tatayquichejpa Espiritun kancunapi parlan. Cuerpota wañuchej-cunata mana manchachicunayquichej. Manataj almataka wañuchiya atincuchu. Antes almatapis cuerpotapis infiernopi tucuchiya atin, payta manchachicunayquichej. (Lucas 21 : 12-15. Mateo 10 : 20, 28.)

Nerkataj: Cusicuyniyojmin justiciaraycu perseguiskas cajcunaka, imaraycuchus paycunajtamin janajpacha gobiernoka. Cusicuyniyojmin canquichej maypachachus c'amisonkancu, perseguisonkancutaj, tucuy imaymana sajrata ñokaraycu llullacuspa nisonkancu chaypacha. Cusicuycnej, may jatun cusiywan cusicuycnej, imaraycuchus jatunmin premioyquichej janajpachapi. Imaraycuchus ajinata perseguenkancu kancunamanta ñawpajta carkancu chay Diosmanta sut'inchajcunata. Sutiyraycutaj tucuy pa chejniskan canquichej. Pero tucuy cama aguantajka paymin salvaska canka. (Mateo 5 : 10-12. Mateo 10 : 22.)

Perseguisujcunata bendeciyehej. Bendeciyehej amataj maldeciyehejchu. (Romanos 12 : 14.)

* * *

Apostol Pedro escriberka: Sichus Cristoj sutinraycu c'amisunquichej chayka, cusicuyniyojmin canquichej, imaraycuchus Diospa glorian Espirituntaj kancuna patapi samashan. Ajinaka ni maykenniyequichej sajrata ruwaj jina sufrichunchu, ni wajpa asuntosninman metecuj jina. Pero sichus pipis Cristiano jina sufrin chayka, ama p'enkacuchunchu, antes chayraycu Diosta yupaychachun. (1 Pedro 4 : 14-16.)

Apostol Pablo escriberka: Señorka niwarka: Favorniy bastasunqui. Imaraycuchus atiyniyka pisi callpayojpi cabalacun. Chayraycu cusicuni pisi callpayoj caspa, estropeaska caspapis, pisichicuspapis, perseguiska caspapis, llaquicuspapis Cristoraycu. Imaraycuchus pisi callpayoj cashaspa, chanta callpasapa cani. (2 Corintios 12 : 9, 10.)

Señor Jesús nerka: Cay imasta ner kayquichej ñokapi sonko tiaycuskas canayquichejpaj. Mundopi nac'arinquichej, pero sonkochacuychej. Ñoka munda atiparkani. (Juan 16 : 33.)

Khawallaytaj: Hechos 4 : 1-31. Filipenses 1 : 29.
1 Pedro 2 : 19-23. 1 Pedro 3 : 14-18.

DIOSPAJWAN PURIYNINCHEJ

I. CHEKA ADORACIÓN

Dioska Espiritumin. Payta adorancu chaycuna, espiritupi verdadpitaj adoranancu tian. (Juan 4 : 24.)

Diospa sacrificiosnenka p'aquiska espiritumin. Jucharaycu p'aquiska sonkota, O Dios, mana khesachanquichu. (Salmo 51 : 17.)

★ ★ ★

Ajinaka paynejta (Jesucristonejta) alabanza sacrificiota ofrecenanchejpuni. Niyta munan pokoyta ofrecenanchej sutinta okharej simismanta. (Hebreos 13 : 15.)

Ama konkapuychejchu allin cajta ruwayta, partiraytataj, imaraycuchus chayjina sacrificios Diosta agradancupuni. (Hebreos 13 : 16.)

★ ★ ★

Dios Tataj ñawpakenpi ch'uwa religionka mana ch'ichiyojtaj cay jinamin, mana piniyoj wawasta watucuymin warmi sapastapis llaquiynincupi, mana ch'ichiyojta cay mundomanta wakaychacuytaj. (Santiago 1 : 27.)

Khawallaytaj: Salmo 4 : 5. Salmo 54 : 6.
Romanos 12 : 1, 2.

2. IGLESIKA

Cristojta canchej

Señor Jesús nerka: Noka uvas sach'a cani, kancunataj ramas canquichej. Ñokapi cacujka ñokataj paypi, caymin ashqhata pokon. Imaraycuchus mana ñokawanka mana imatapis ruwayta atinquichejchu. (Juan 15 : 5.)

Dios tucuy imasta paypa chaquisnin uraman sujet-

arkataj, tucuy imapitaj iglesiaj umanpaj payta chur-
arka. Iglesiaka cuerponmin, paypa junt'a-caynin,
pichus tucuy imacunapi tucuyta junt'an. (Efesios 1 :
22, 23.)

Ujniyquichej: Ñokaka Pablojtamin cani, nejtin,
ujtaj: Ñokataj Apolospata cani nejtin, manachu
aychaman jina canquichej. Imataj ari Pabloka, imataj
Apolopis? Sirvejcuna cancu. Paycunanejta creer-
kanquichej. Chaypis maychus sapa ujman Señor
koskanman jinata. Ñoka plantarkani, Apolos kar-
parka. Pero Diosmin wiñacherka. Ajinaka plantajka
ni imachu, nitaj karpajpis imachu, antes Diosllamin
wiñachin. Ajinata ama pipis runaspi alabachuncuchu.
Imaraycuchus tucuy imaka kancunajtamin. Pablo
cachun, Apolos cachun, Cefas cachun, mundo
cachun, cawsay cachun, wañuy cachun, cunan cajpis
cachun, jamuj cajpis cachun, tucuy ima kancunajta.
Kancunataj Cristojta. Cristotaj Diospata. (1 Corintios
3 : 4-7, 21-23.)

Khawallaytaj: Efesios 4 : 1-16.

Iglesiaa santamin

Paypi (Jesuspi) tucuy nin wasi allin armaska
wiñashan santo yupaychana wasi cananpaj, Santo
Espiritupi Diospa tiacunan canayquichejpaj. (Efesios
2 : 21, 22.)

Comunionninpi ujllamin

Ñoka ari rogayquichej wajyaskas carkanquichej
chaypi maychus purina caskanta, ajinata purinay-
quichejta. Sumajta cuidawajchejpuni Santo Espirit-
umanta uj sonkolla canayquichejta, sonko tiaycuskalla
t'inquiskas. Uj cuerpolla cashan, uj Santo Espiritutaj,
imaynatachus wajyaska carkanquichej chaymanta
ujllata suyanquichej jinata. Uj Señor cashan, uj

creena, uj bautismo, uj Dios Tatataj tucuy pata. Pay tucuy ima patapi, tucuy imanejta tucuy niyquichej-pitaj. (Efesios 4 : 1, 3-6.)

Imaraycuchus Cristoman tucuy bautisaskas carkanquichej chaycunaka, Cristowan p'achilliskas canquichej. Mana ni Judios ni Griego canchu. Mana camachi ni libre canchu. Mana khari ni warmi canchu. Imaraycuchus tucuy niyquichej ujlla canquichej Cristo Jesuspi. (Gálatas 3 : 27, 28.)

Uj Espiritupi tucuy ninchejta bautisawarkanchej uj cuerpollaman, Judio chayri Griego cachun. Camachi chayri libre cachun. Tucuy ninchej uj Espiritumanta uyar kanchej. (I Corintios 12 : 13.)

Iglesia ka ujllamin servicionpi

Imaymana regalos tian, pero Santo Espirituka quiquinmin. Imaymana servicios tian, pero Señorka quiquinmin. Imaymana ruwaycuna tian, pero Dioska quiquinmin, tucuy pi tucuy imasta ruwajka. Imaynachus cuerpoka ujlla, ashqha partes niyojtaj, cuerpoy tucuy partes nin ashqhas caspa, uj cuerpolla cancu, ajinallataj Cristopis. Sitajchus uj parte nanan chayka, tucuy nin partes chaywan cusca nanachicuncu. Sitajchus uj parte respetaska capun chayka, tucuy nin partes chaywan cusca cusicuncu. (I Corintios 12 : 4-6, 12, 26.)

Apostoles Iglesia ta kallaricher kancu

Apostolcunaj yachachiyninpitaj cacuj cancu, uj sonkolla acompañacuspá, t'antata partispá Diosmanta mañacuspataj. (Hechos 2 : 42.)

Ajinaka manaña waj llajtaman tachu canquichej, ni forasterosñachu canquichej. Antes santo cajcunawan llajta-masis canquichej. Diospa wasinmanta cajcuna canquichej. Apostolcuna cimientu patapi Diosmanta

sut'inchajcuna cimientu patapipis canquichej, quiquin Cristo Jesús aswan curaj esquina rumi caspa. (Efesios 2 : 19, 20.)

Cristoka ujcunata apostolesta canancupaj churarka. Waquincunatatataj Diosmanta sut'inchancupaj churarka. Waquincunatatataj sumaj noticiasta willaranancupaj churarka. Waquincunatatataj michinancupaj yachachinancupajtaj churarka, santo cajcunata cabalachinancupaj serviciopi ruwanancupaj, Cristoj cuerponta wiñachinancupaj, creskanchejpi ujlla cananchejcama, Diospa Churinta allinta rejsispa, wiñay tucuskaña khariman, Cristo cabal caskanpa sayayninpa medidanman chayananchejcama. (Efesios 4 : 11-13.)

Khawallaytaj: I Corintios 12 : 28.

3. SEÑORPA P'UNCHAYNIN

Chay p'unchaypi Señor Jesuska wañuskacuna uqhumanta cawsarimpurka

Tutallamanta semanapi ñawpaj p'unchaypi, paycunaka sepulturaman jamurkancu, waquicherkancu chay k'apaj jampista apamuspa. Waj warmispis paycunawan jamurkancu. Sepulturamanta rumita tijraskata tarerkancu. Yaycuspata Señor Jesuspa ayanta mana tarerkancuchu. Jinataj carka caymanta iscayrayashajtincu, iscay kharis paycuna kayllapi sayaycucurkancu, lliphipej p'achasniyoj. Warmis mancharicujtincutaj, pampaman uyasnincuta c'umujtincutaj, paycunata nerkanca: Imaraycutaj wañuskacuna chawpipi cawsashajta masc'ashanquichej? Mana caypichu, antes cawsarimpun. Yuyaricuychej nisuskamanta Galileapi pay cashajtinraj, maypachachus nerka: Juchasapaspamaquisninman runaj churenka entregaska canan tian. Chacataskataj canan tian,

quina caj p'unchaypitaj cawsarimpunan tian. (Lucas 24 : 1-7.)

Chay quiquin p'unchay ch'isiña cajtin, semanapi ñawpaj p'unchayta yachachiskas tantas casharkancu. Chaypi puncus wisc'askas casharkancu, Judiosta manchachicuskancurayu. Jesús jamurka, chawpincupi sayaspataj paycunata nerka: Sonko tiaycuska caychej. Cayta nispataj maquisninta ladontawan ricucherka. Yachachiskas chanta cusicurkancu Señorta ricuspa. (Juan 20 : 19, 20.)

Señorpa p'unchayninpi Cristianoska tantacuj cancu

Semanaj ñawpaj p'unchaynintataj, yachachiskas t'antata partej tantacujtincu, Pablo paycunata yachachisharka, k'ayantin purinan cashajtin. (Hechos 20 : 7.)

Apostol Pablo escriberka: Sapa semanaj ñawpaj caj p'unchaypi, wasiyquichejpi sapa ujniyquichej wajllaman churaychej wakaychaspa. May chhicatachus ganacuskaman jina sapa uj wakaychachun, chaywan ñoka chayamujtiy manaña kolke tantanañachu canka. (I Corintios 16 : 2.)

Khawallaytaj: Marcos 1 : 21-34. Lucas 13 : 10-17. Apocalipsis 1 : 9, 10.

4. LLULLA ADORACIÓNKA. LANTICUNATA ADORAYKA

Dioska nerka: Ama lantita ruwacuychu. Amataj chayman c'umuycuychu. Amataj respetaychu. (Éxodo 20 : 4, 5.)

Señor Jesús nerka: Señor Diosniyquita adoranqui. Pay sapallanta sirvinqui. (Mateo 4 : 10.)

Apostol Pablo nerka: Mana yuyanachejchu Dioska koriman rijch'acuskanta, ni kolkeman ni rumiman, runaj atiy ninwan chayri yuyay ninwan labraska. Pero mana yacharkancuchu chay tiemposta Dios ch'irmerka, pero cunanka tucuy runasta tucuynejpi willaran juchamanta cutiricunancuta. (Hechos 17 : 29, 30.)

Gentilcunaj sacrificaskancuka supaycunamanmin sacrificancu, manataj Diosmanchu. (1 Corintios 10 : 20.)

Llajtacunaj idolosnincuka kolkemanta korimantawan cancu, runaj maquisnincuj ruwaskan. Simiyoj cancu pero mana parlancuchu. Ñawiyoj cancu pero mana ricuncuchu. Ningrisniyoj cancu pero mana uyarincuchu, nitaj simincupi samay canchu. Caycunata ruwajcunaka caycunaman rijch'acuncu, caycunapi tucuy confiacujcunapis. (Salmo 135 : 15-18.)

Laykas lanti adorajcunawan parteyoj cankancu, ninawan azufrewan larwashan chay kochapi.
(Apocalipsis 21 : 8.)

Kancuna cawsaj Diospa wasin canquichej, Dios niskanman jina: Paycunapi tiacusaj purisajtaj. Diosnincu casaj paycunataj runaycuna cankancu, nispa. Chayraycu Señor nin:

Llojsimuychej paycunaj chawpincumanta,
t'akacuychejtaj
Amataj ch'ichicajta llanqhaychejchu,
Ñokataj kancunata recibiskayquichej.
Kancunapajtaj Tatayquichej casaj,
Kancunataj churis ususistaj cawanquichej.
(2 Corintios 6 : 16-18.)

Khawallaytaj: Éxodo 32. Isaías 44 : 6-19.
Jeremías 10 : 1-16. Hechos 19 : 23-41.
Apocalipsis 22 : 14, 15.

5. LAYKASWAN ADIVINOSWANTAJ

Imaraycuchus idoloska khasita parlancu, llullata adivinaspa tanteaspalla parlancu, khasi moskoycunata parlancu, chayraycu khasi cusichiycunapis. (Zacarías 10 : 2.)

Dioska ajinata nin: Ama engañachicuychejchu kancuna uqhupi caskan chay lulla sut'inchajcunawan, nitaj laykasniyquichejwanpis. Amataj moskoycunquichej chay moskoyniyquichejtapis casuychejchu. Imaraycuhus llullacusra willasunquichej paycunaka sutiypi. Mana Ñoka paycunata cachamunichu. (Jeremías 29 : 8, 9.)

Imatachus Dios ruwan chay jina imaswan

Ama cuticuychejchu wañuskacunata khaparicujcunaman, nitaj laykacunamanpis. Amataj tapucullaychejpischu ama millaynincunawan qhuchichacunayquichejpaj. Ñoka Jehová Diosniyqui cani. Chay runata uyarejka wañuskacunata khaparejta o laykacunatapis, Ñoka uyayta churasaj chay runaj contranpi wijch'usajtaj llajtaypa chawpinmanta. (Levítico 19 : 31. Levítico 20 : 6.)

Ama kanpeka yachachunchu tanteaspalla adivinayta, cocata t'acasma, maquisninta khawaspa, suerteta willayta, nitaj laykacuytapis, nitaj p'ajpacusta, ni barajasta khawaycuyta, ni layka nitaj wañuskacunata tapucuj. Imaraycuchus millaymin chay ruwajka Jehovapajka. (Deuteronomio 18 : 10-12.)

* * *

Jinatataj Saulopis wañurka jatunchacuskanraycu. Chaywan Jehovapa contranta juchallicurka, palabranpa contrantapis, mana casucuspa niskanta. Chanta uj layka warmiman chimparka tapucunanpaj. Manataj Jehová Diosninta tapucurkachu. Chayraycutaj payta

wañucherka reinontataj ujman pasachipurka Davidman Isaípa churinman. (I Crónicas 10 : 13, 14.)

Khawallaytaj : Números 23 : 23. I Samuel 28 : 3-25.
2 Crónicas 33 : 1-13. Nehemías 13 : 2. Hechos 8 : 9-24.
Hechos 13 : 4-12. Hechos 19 : 11-20.

ULTIMO YACHACHIYKA

WAÑUY ATIPASKA WIÑAY CAWSAYWAN

Cristo wañuyta atiparka

Señor Jesús cawsarimpuskanmanta khepata nerka : Ama manchachicuychu. Ñokamin ñawpa caj cani khepa cajpis. Cawsashaj cajtaj cani. Wañuska carkanitaj, khawaytaj cawsashani wiñaypaj wiñaynintincama. Amen. Wañuyta llavesninta uqhupachaj llavesnintawan jap'ini. (Apocalipsis 1 : 17, 18.)

Ñokanchejpis wañuyta atipanchej Cristoraycu

Señor Jesús nerka : Ñoka cawsarimuymín cani, cawsaytaj. Ñokapi creejka wañuchunpis, cawsanka. Tucuy cawsashajri ñokapitaj creen ni imaynapi wiñaypaj wañunkachu. (Juan 11 : 25, 26.)

Señorwan cayka wiñaypaj

Ama phuticuychejchu chay ujcuna jinaka, mana suyayniyojcuna jina. Imaraycuchus sichus creenchej Jesús wañuskanta cawsarimpuskantataj chayka, ajinallatataj paywan cusca Dioska Jesuspi puñujcunataka pusamonka. Imaraycuchus quiquin Señorka uraycamonka. Khapariywan, arcangelpa vozninwan, Diospa cornetanwantaj, janajpachamanta uraycamonka. Cristopi wañuskacunataj ñawpajta cawsarimonkancu. Chanta ñokanchej cawsashajcunaka quedacushajcuna, paycunawan cusca phuyuspi okhariskas casunchej,

Señorta wayrapi taripaj. Ajinaka Señorwan wiñaypaj casunchej. (1 Tesalonicenses 4 : 13, 14, 16, 17.)

Chayraycu cayta yachanipuni ni wañuypis ni cawsaypis ... t'akayta atiwasunchejchu Diospa munacuy ninmanta, maykenmin Cristo Jesús Señor ninchejpi cashan. (Romanos 8 : 38, 39.)

Wañuy llanthu wayk'opi purispapis mana ni ima sajra cajta manchachusajchu. Imaraycuchus kan ñokawan cashanqui. (Salmo 23 : 4.)

Khawallaytaj: Job 1 : 21. Juan 11 : 1-44. Hechos 2 : 24.
1 Corintios 15 : 20-26, 54-57. 2 Corintios 5 : 1-8.
2 Timoteo 1 : 10.

*Imayanatachus wajyasurkachej
santomn, ajinallatataj kancunapis santo caychej
tucuy puriskayquichejpi.*

1 Pedro 1 : 15

*Ñanninta allinta chekanchajman
Diospa salvacionminta ricuchisaj.*

Salmo 50 : 23

*Imaynachus p'unchayniyquicuna cancu
ajinalla callpayqui canka.*

Deuteronomio 33 : 25.